

成道記註

釋迦如來成道記註序

如來出世。唯爲一大事因緣。欲令衆生開示悟入佛之知見。所謂佛知見者。迺衆生本具之一心也。諸佛已悟衆生尙迷。憫彼沉冥。曲施方便。是以如來於大寂定中。示現受生。示成道果。隨其迷執。爲轉法輪。如世良醫。應病投劑。莫不欲衆生遠離虛妄。悟一真心而已。安有他哉。故華嚴經云。佛心豈有他。正覺覺世間。此之謂也。若夫塵根昧劣。惑業糾纏。每於先佛法

門不知歸向。或不信受而起破法罪業。因緣誠可哀已。古人有言。世之嫉佛者。非嫉佛也。實不知佛也。使彼知之。則將外護之不暇。雖強使其詆毀。寧無愧於中乎。歷攷三藏聖典。浩如山海。翻閱畏難。會心有幾。偶讀唐博士王子安所撰。

釋迦如來成道記。雖止二千餘言。而該括不漏。可謂言約義豐。文質理詣者也。夫嘗一嚮。卽知全鼎。則子安所記。豈非法門捷徑。斯世之指南歟。微自弱齡失

怙病廢無聞。幸值斯篇。得生淨信。然見其註字訛舛。
復加讐較。乃重錄而壽之梓。庶俾後之君子。觀於是
書。抑有以自喻而生正信云。時

康熙三十一年歲次壬申仲春上浣吉旦谷菴道人
行微書於邗之喜覺堂



重刻釋迦如來成道記序

嘗聞之博施濟衆。堯舜猶病。泛愛親仁。洙泗所傳。蒙

服膺儒書。參觀釋典。竊見釋家之言釋迦。卽儒家之

言能仁也。考其歷史。金人入夢。白虹徵祥。雪山悟道。

實寓泰伯。逃入荊蠻之心。鶴林參禪。無殊黃帝延訪。

崆峒之意。良知所在。明心乃見性之源。煩惱胥除。超

凡爲入聖之礎。要知墨子兼愛。隱皈依儒教。老安少

懷之言。白馬馱經。實宣布儒宗。物與民胞之量。道固

並行而不悖也。今以四萬萬同胞之衆。果能人人悟
空。卽是色色。卽是空之心。卽能人人泯爾無我。虞我
無爾。詐之習。言論雖許自由。而誑語必戒。進行雖期
競進。而嗔念不生。則寰球享大同之福。五族登太和
之天。豈不懿哉。此蒙

爲讀唐王子安釋迦如來成
道記而重有感也。子安滕王閣序。名著一時。終落色
相之下。乘英王雞檄。才高四傑。不免交構之漸。萌洵
不若此記之爲善知識。能垂久遠也。此書在我鄉谷。

庵道人校刻後二百二十一年矣。麻沙之板無存。魚豕之訛愈甚。前望古人不免有墜失之患。後之來者於何生淨信之心。幸得諸山長老重加校讐。錄付剞劂。藉棗梨之壽。以永其傳。示津梁之方。俾大其教。蒙欣逢盛事。樂與觀成。欲序金言。恐著污頭之糞。謹瞻寶堦。彌欽留影之痕。敢獻一偈。藉表片忱。謹步博士之韻。上頌如來之宗。爰爲之頌曰。寶燈來轍。來轍。

陵谷自變遷

大道歷萬劫

在周記誕生

至漢始積業 溯其誕生初 靈異示分脇

積累千載餘 已逮漢中葉 聲教來神州

蔡王往捧接 及至唐初興 製序集晉帖

畫像資供養 白毫添兩頰 舞文鄙吏胥

觸禁戒游俠 子安文壇雄 膜拜願臣妾


忽忽千餘年 禪宗資涉獵 吾鄉有谷庵

猛進銳不怯 重刻斯記成 神歡魔自懾

流傳二百年 遺編猶在篋 譬諸常明燈

清淨途彌捷 斯意自顯明 恆持心愈愜
我心印佛心 眞詮步武躡 晴空峰自高
厯傳已十葉 舊板復刊新 校正免焚瓊
光輝耀黎庶 舍利光煒燁 我步王公塵
慈波已霑涉

壬子年浴佛日誌



釋迦如來成道記註

唐太原王勃記

宋錢塘道誠註

清江都行微較

釋迦者梵語也華言能仁卽娑婆世界化佛之姓也
謹按長阿含經云昔有轉輸王姓甘蔗氏聽次妃之
譖擯四太子至雪山北自立城居以德歸人不數年
間蔚爲強國父王悔憶遣使往詔四子辭過不歸父
王乃三歎曰我子釋迦因命氏焉如來者梵語多陀
阿伽度秦言如來十號之一也謂從如實道來成正
覺也成道者法王啟運之謂也夫諸佛之道無得爲
得非常道也且釋迦如來成道已來甚大久遠非卽
成道記

一

蜚虹丈室

今世以慈悲大誓化現身相接物利生示有始末故云成道。唐書王勃高宗朝博士福時第三子也與兄勳勳俱有才名時稱爲王氏三珠樹勃少與楊炯盧照隣駱賓王齊名海內號爲四傑朝封中沛王聞其才名辟入府時諸王尙鬪鷄勃戲爲檄英王鷄文高宗怒曰此卽交構之漸乃黜號州叅軍有滕王閣記釋迦畫像記維摩觀夫釋迦如來之垂迹也。觀夫畫像碑并盛行於世語之端緒也釋迦如來見上註垂迹者祐法師云蓋聞菩提之爲極也神妙寂通圓智湛照道絕形識之封理畢生滅之境豈實誕於王宮甯真謝於固林哉但憫羣萌長寢同歸大覺緣來斯化感至必應若應而不生誰與悟俗化而無名何以導世是以標號釋迦擅種刹利體域中之尊冠人天之秀然後脫屣儲宮真觀道樹捨金輪而馭大千明淨法界身本無出玉毫而制法界此其所以垂迹也

沒。將紀化迹始末乃先談法身夫法身卽化身之本

體清淨法界也強名頗多此不備敘秦僧肇云如

來者法界爲體形無不在量出規矩之外道超言議

之表凝然湛寂非色非相不生不滅無來無去故云

本無出沒大悲願力示現受生。此句明有出沒也言大悲

之根本以拔苦爲用用在佛果故稱大也願者卽大

誓也力者十力也此十波羅蜜隨舉其二夫諸佛有

大悲故不住涅槃有大智故不住生死有大願故所

以涉苦彌勤從真入假方便有身故云示現受生

洎兜率陀天。梵云兜率陀或云觀史多華言知足卽

勝故補處菩薩皆示生欲界第四天也涅槃經云此天欲界最

此天爲教化眾生故爲護明菩薩。護明者卽釋迦

劫過去人壽二萬歲時值迦葉波佛最後受當來成

佛記時名也及生兜率亦用此名若今之慈氏也菩

薩梵語具足云菩提薩埵此云

覺有情從行立稱今畧云菩薩

降迦毘羅國

梵云迦

都華言妙德

號一切義成

梵云薩婆頗他悉陀華言

卽中天竺也

號一切義成

卽釋迦佛最初

小字也或訛畧云悉達瑞應

經云菩薩王宮生時國

中釋種同日生五百男子廐中象馬各生五百駒子

宮中五百伏藏現海中五百商人採寶歸各獻瓊瑛

父王見其瑞事故立此名攝大乘論云立名有五因

謂因生類因相因假因輕賤因敬重太

子立名因相也謂生時有多瑞相故

金團天子選

其家

本行經云護明謂天人金團曰往管補處菩薩

托生之家須具六十種功德三代清淨汝下閭

浮爲我觀察金團曰迦毘羅城王名淨飯夫人摩

耶於諸世間具足功德清淨有大名稱堪生彼家護

明日善哉

白淨飯王爲其父

梵云首圖駄那此云淨

飯本行經云謂財德純

定生彼

備故玉象乘曰。夫釋迦如來示生此土始終有其八相

四門遊觀相四逾城出家相五雪山示修道相六菩

提樹下降魔成道相七鹿野苑轉法輪相八娑羅林

下般涅槃相此初相也普曜經云菩薩當作

白象形入胎何以故三獸渡河象窮底故示來於

大術胎中。梵語摩訶摩耶華言大術即佛母也是天

女當生轉輪聖王時淨飯王聞迺娶為妃本行經云

摩耶夫人夢白象日輪右脇而入具以白王召相師

問之曰女人此夢必生轉輪聖王矣嘗試論之經不

云菩薩九十一劫不墮惡道如何最後生中有身為

白象耶然婆沙論云此非實事以彼國尊曰貴象凡

有此夢為大吉祥欲令占者言之故示其相爾問曰

最後生菩薩實受胎耶荅華嚴經云為欲成就小心

劣解眾生不欲令彼作念是自然化生功德智慧不

成道記

三

蜨虹丈室

從修得是故示現受胎又云菩薩在母胎中寶樓珍
殿一如天宮行住坐卧不令母有苦患日日三時十
方諸佛入來安慰說受生法門十方同行菩薩

金輪

及諸天人皆入問訊聽法以此明證非實事也

作王

輪王有四一銀論王治一天下二銅輪王治二

下有七寶千子七寶者一金輪二玉女三馬四象五

主藏神六主兵臣七如意珠此七物聖王受位之日

皆自空來繇是凌虛周遊四天一切國土見金輪飛

至皆自臣伏本行經云太子生已善相者云具三十

二相顯著必**創誕於無憂樹下**此第二嵐毘尼園降

為轉輪聖王**生相也**瑞應經云摩

耶夫人胎月將滿思遊此園到已即舉右手攀無憂

樹枝從右脇而生太子天帝以天妙衣裹手承接天

人持金柄傘蓋諸天龍神散香花鼓音樂十方大地

六種震動有三十二種瑞應事文多不錄按今古論

衡周書異記云姬周昭王二十四年甲寅歲四月八日江河泉井泛溢山川宮殿震動常星不現有五色光貫太微宮王問羣臣太史蘇由奏曰西方有聖人主却後千年教法來此王令鑄石埋於南郊誌之

八十種隨形之妙好。粲若芬花。

婆沙論云八十種好在諸相間隨諸相轉

莊嚴佛身言芬花者具足梵語芬陀利花此云白蓮花。涅槃經云如來之身非胎所汚如芬陀利花本性

清淨

三十二大士之相儀皎如圓月。

涅槃經云示現三十二相以自

莊嚴如十五日

夜盛滿之月。四方面各行七步。

瑞應經云菩薩初生之時無人扶持

于四方面各行七步自然蓮華承足華嚴經云現於世間最無比故金剛仙記云如來示行有三種一運

神通凌虛而行二自然蓮華承足三行

丸水而共沐

時足底離地四指千輻輪相印地分明

或道記

四

蜚虹丈室